

— 1896ին Սևանի վանքին մէջ շինել կուտայ դպրոց մը:
— Կը գնէ հարլւրամիայ հայ լրագրութեան մէկ ժողովա-
ծուն և կը նուիրէ Ս. Էջմիածնի մատենադարանին .

— Կը շինէ Թիֆլիսի մայր եկեղեցիին կրօնական թանգա-
րանը, հիմնելով նաև իր անունով գրական մրցանակ մը.

— 1901 դեկտ. 19ին կը պատրաստէ 200,000 ռուբլի կտակ
մը ու վաւերացնել կուտայ նոտարին. նոյն կտակագիրով, ի մէջ
այլոց, Ս. Յակոբի վանքին կը կտակէ հինգ հազար ռուբլի:

Կը վախճանի 1901 տարուայ վերջերը, և կթղթին հրամանով կը
թաղուի Թիֆլիսի մայր եկեղեցիին թանգարանին ներքև: Կտակին
մօնրամասնութիւնները և իր կենսագրութիւնը տեսնել (Լուսնայ,
1902, էջ 299—301, 304—306): Ս. Յակոբի վանքէն Օրհնութեան
Կոնդակ դրկուած է կտակարարի այրիին և դստեր (Սրճնգր. Տն.
Ժողովի, նիստ ձևթ. 1901, էջ 273):

Բ

ԲԱՐԹՈՒՂԻՄԷՆՈՍ ԵՌԻՍՈՒՖԵՍԱՆ, ՍԱՍԹՃԻ ԶԷՂԷՊԻ.— Ար-
քունի ժամագործագետ, որուն ազդեցութեամբ Կ. Պոլսի պտրք-
ընտրուեցաւ Բաբերդցի Յովհաննէս եպոս. Զամաշքճեան (1800
—1801): Բարթուղիմէոս Զէլէպի Յովհաննէս պտրք.ի յորդո-
րումով որուն գիմած էր Երուսաղէմի Թէոդորոս պտրք.ը, 1800
ին կը վճարէ մեծագոյն մասը Ս. Յակոբի վանքին վրայ ծան-
րացող պարտքին՝ որ Եգիպտացիներուն՝ Յովպէի վրայ ըրած
արշաւանքին հետեւանքովն յառաջ եկած էր. (Կոռնկ, 1868,
էջ 909):

Գ

ԳԷՈՐԳ ԲԱՆՈՒԿ ԲԱՆՈՒԶԱՐԵՍԱՆՅ, ԶՈՒՂԱՅԵՑԻ.— Վա-
ճառական Բաթալիոյ մէջ (Ճավա), որ 1827ին Ս. Յակոբի վան-
քին ի նպաստ, կը կտակէ 10300 կումբանի ռուբլի այդ գումար-
քին $\frac{1}{4}$ տոկոսը կը գանձուի սկսեալ 1830 էն: Հնդկաց նը-
ուիրակ Սամուէլ վրդ.ի 1833 ին գրած նամակին համաձայն,
սոյն գումարը պետական տոկոսաբեր երկու մուրհակներով,
(թիւ 6099 և 6143), 1822 և 1823 թուականներով պահ դրուած